

越城縣廣勝寺



金剛三昧經序品第一

北京失譯人名 景

如是我聞一時佛在王舍大城耆闍
崛山中與大比丘眾一萬人俱皆得
阿羅漢道其名曰舍利弗大目犍連
須菩提如是眾等阿羅漢復有菩薩
摩訶薩二十人俱其名曰解脫菩薩
心王菩薩無住菩薩如是等菩薩復
有長者八千人俱其名曰梵行長老
大梵行長者樹提長者如是等長者
復有天龍夜叉乾闥婆阿修羅迦樓
羅緊那羅摩睺羅伽人非人等六十
萬億余時世尊大眾圍遶為諸大眾
說大乘經名一味真實无相無生決
定實際本覺利行若聞是經乃至受
持一四句偈是人則為入佛智地能
以方便教化眾生為一切眾生作大
知識佛說此經已結跏趺坐即入金
剛三昧身心不動尔時眾中有一比
丘名曰阿伽陀從座而起合掌踟蹰
欲重宣此義而說偈言
大慈滿足尊 智慧通无碍 廣度眾生故

金剛三昧經 第三卷 廣勝寺

說於一諦義 皆以一味道 終不以小乘
所說義味處 皆悉離不實 入佛諸智地
決定真實際 聞者皆出世 無有不解脫
无量諸菩薩 皆悉度眾生 為眾廣深問
知法寂滅相 入於決定處 如來智方便
當為入實說 隨順皆一乘 無有諸雜味
猶如一雨潤 眾草皆悉榮 隨其性各異
一味之法潤 普充於一切 如彼一雨潤
皆長菩提牙 入於金剛味 證法真實定
決定斷疑悔 一法之印成
金剛三昧經无相法品第二
尔時尊者從三昧起而說是言諸佛
智地入實法相決定性故方便神通
皆無相利一覺了義難解難入非諸
二乘之所知見惟佛菩薩乃能知之
可度眾生皆說一味
尔時解脫菩薩即從座起合掌踟蹰
而白佛言尊者若佛滅後正法去世
像法住世於末劫中五濁眾生多諸
惡業輪迴三界無有出時願佛慈悲
為後世眾生宣說一味決定真實令
彼眾生等同解脫佛言善男子汝能
問我出世之因欲化眾生今彼眾生

猶得出世之果是一大事不可思議
以大慈故以大悲故我若不說即墮
慳貪汝等一心諦聽諦聽為汝宣說
善男子若化衆生无生放化不生無
化其化大焉令彼衆生皆離心我一
切心我本來空寂若得空心心不幻
化無幻无化即得無生无生之心在
於无化解脫菩薩而白佛言尊者衆
生之心性本空寂空寂之心體无色
相云何修習得本空心願佛慈悲為
我宣說佛言菩薩一切心相本來無
本本無本處空寂無生若心无生即
入空寂空寂心地即得心空善男子
無相之心无我一切法相亦復
如是解脫菩薩而白佛言尊者一切
衆生若有我者若有心者以何法覺
令彼衆生出離斯縛佛言善男子若
有我者今觀十二因緣十二因緣本
從因果因果所起興於心行心尚不
有何况有身若有我者今滅有見若
無我者今滅无見若心生者今滅滅
性若心滅者今滅生性滅是見性即
入實際何以故本生不滅本滅不生

不滅不生不生不滅一切諸法亦復
如是解脫菩薩而白佛言尊者若有
衆生見法生時今滅何見見法滅時
今滅何見佛言菩薩若有衆生見法
生時今滅無見見法滅時今滅有見
若滅是見得法真無入決定性決定
無生解脫菩薩而白佛言尊者令彼
衆生住於无生是無生也佛言生於
無生即是有生何以故无住無生乃
是無生菩薩若生无生以生滅生生
滅俱滅本生不生心常空寂空性无
住心无有住乃是无生解脫菩薩而
白佛言尊者心无有住有何修學為
有學也為无學也佛言菩薩無生之
心心無出入本如來藏性寂不動亦
非有學亦非無學无有學不學是即
无學非無有學是為所學解脫菩薩
而白佛言尊者云何如來藏性寂不
動佛言如來藏者生滅慮知相隱理
不顯是如來藏性寂不動解脫菩薩
而白佛言尊者云何生滅慮知相佛
言菩薩理無可不若有可不即生諸
念千思万慮是生滅相菩薩觀本性

相理自滿足千思万慮不益道理徒
為動乱失本心王若無思慮則無生
滅如實不起諸識安寂流注不生得
五法淨是謂大乘菩薩入五法淨心
即無妄若无有妄即入如來自覺聖
智之地入智地者善知一切從本不
生知本不生即無妄想解脫菩薩而
白佛言尊者無妄想者應無止息佛
言菩薩妄本不生无妄可息知心無
心無心可止無分无別現識不生无
生可止是則无止亦非無止何以故
止无止故解脫菩薩而白佛言尊者
若止無止止即是生何謂無生佛言
菩薩當止是生止已無止亦不住於
無止亦不住於無住云何是生解脫
菩薩而白佛言尊者無生之心有何
取捨住何法相佛言無生之心不取不
捨住於不心住於不法解脫菩薩而
白佛言尊者云何住於不心住於不
法佛言不生於心是住不心不生於
法是住不法善男子不生心法即无
依止不住諸行心常空寂无有異相
譬彼虛空无有動住无起无作無彼

金剛三昧經 第六卷 第五十四

无此得空心眼得法空身五陰六入
 悉皆空寂善男子修空法者不依三
 界不住戒相清淨无念无攝無放性
 等金剛不壞三寶空心不動具六波
 羅蜜解脫菩薩而白佛言尊者六波
 羅蜜者皆是有相有相之法能出世
 也佛言善男子我所說六波羅蜜者
 無相无為何以故若人離欲心常清
 淨實語方便本利利人是檀波羅蜜
 志念堅固心常無住清淨无染不著
 三界是尸波羅蜜修空斷結不依諸
 有寂靜三業不住身心是羸提波羅
 蜜遠離名數斷空有見深入陰空是
 毗梨耶波羅蜜俱離空寂不住諸空
 心處無住不住大空是禪波羅蜜心
 無心相不取虚空諸行不生不證寂
 滅心无出入性常平等諸法實際皆
 決定性不依諸地不住智慧是般若
 波羅蜜善男子是六波羅蜜者皆獲
 本利入決定性超然出世无學解脫
 善男子如是解脫法相皆无相行亦
 无解不解是名解脫何以故解脫之
 相无相無行无動无乱寂靜涅槃亦

金剛三昧經 第六卷 第五十五

不取涅槃相解脫菩薩聞是語已心
 大欣懌得未曾有欲宣義意而說
 偈言

大覺滿足尊為眾敷演法皆說於一乘
 无有二乘道一味無相利猶如太虚空
 無有不容受隨其性各異皆得於本處
 如彼離心我一法之所成諸有同異行
 悉獲於本利滅絕二相見寂靜之涅槃
 亦不住取證入於決定處无相無有行
 空心寂滅地寂滅心无生同彼金剛性
 不壞於三寶具六波羅蜜度諸一切生
 超然出三界皆不以小乘一味之法印
 一乘之所成

尔時大眾聞說是義心大欣懌得離
 心我入空無相恆廓曠蕩皆得決定
 斷結盡漏

金剛三昧經無生行品第三

尔時心王菩薩問佛說法出三界外
 不可思議從座而起叉手合掌以偈
 問曰

如來所說義出世無有相可有一切生
 皆得盡有漏斷結空心我是則無有生
 去何無有生而得无生忍

金剛三昧經 第六卷 第五十六

尔時佛告心王菩薩言善男子无生
 法忍法本無生諸行无生非無生行
 得无生忍即為虛妄心王菩薩言尊
 者得無生忍即為虛妄无得無忍應
 非虛妄佛言不也何以故无得無忍
 是則有得有得有忍是則有生有生
 於得有所得法並為虛妄心王菩薩
 言尊者去何无忍無生心而非虛妄
 佛言無忍无生心者心無形段猶如
 火性雖處木中其在无所決定性故
 但名但字性不可得欲詮其理假說
 為名名不可得心相亦亦不見處所
 知心如是則無生心善男子是心性
 相又如阿摩勒果本不自生不從他
 生不共生不因生不無生何以故緣
 代謝故緣起非生緣謝非滅隱顯无
 相根理寂滅在無有處不見所住決
 定性故是決定性亦不一不異不斷
 不常不入不出不生不滅離諸四謗
 言語道斷無生心性亦復如是云何
 說生不生有忍无忍若有說心有得
 有住及以見者即為不得阿耨多羅
 三藐三菩提般若是為長夜了別心

性者知心性如是性亦如是無生
行心王菩薩言尊者心若本如無生
於行諸行无生生行不生不生無行
即無生行也佛言善男子汝以無生
而證無生行也心王菩薩言不也何
以故如无生行性相空寂元是無聞
无得無失无言無說无知無相无取
無捨云何取證若取證者即為詳論
无諍無論乃无生行佛言汝得阿耨
多羅三藐三菩提也心王菩薩言尊
者我無得阿耨多羅三藐三菩提何
以故善提性中無得无失無覺无知
無分別相无分別中即清淨性性无
間雜無有言說非有非无非知非不
知諸可法行亦復如是何以故一切
法行不是處所決定性故本无有得
不得云何得阿耨多羅三藐三菩提
佛言如是如是如汝所言一切心行
不過無相體寂无生可有諸識亦復
如是何故眼眼觸恙皆空寂識亦空
寂无有動不動相内元三受三受寂
滅耳鼻舌身心意識及以末那阿
梨耶識亦復如是皆亦不生寂滅之

心及無生心若生寂滅心若生无生
心是有生行非無生行菩薩内生三
受三行三戒若已寂滅生心不生心
常寂滅无功無用不證寂滅相亦不
住於无證可處无住捨持无相則无
三受三行三戒恙皆寂滅清淨無住
不入三昧不住坐禪无生無行心王
菩薩言禪能攝動定諸幻乱云何不
禪佛言菩薩禪即是動不動不禪
是無生禪禪性无生離生禪相禪性
无住離住禪動若知禪性无有動靜
即得無生无生般若亦不依住心亦
不動以是智故故得無生般若波羅
蜜心王菩薩言尊者無生般若於一
切處無住於一切處无離心无住處
无處住心无住無心心无生住如此
住心即無生住尊者心无生住不可
思議不可思議中不可說佛言如是
如是心王菩薩聞如是言歎未曾有
而說偈言
滿足大智尊 廣說無生法 聞所未曾聞
未說而今說 猶如淨甘露 時時乃一出
難遇難思議 聞者亦復難 無上良福田

寂上勝妙樂為度眾生故 而今為宣說
今時眾中聞說此已皆得無生无生
般若
金剛三昧經本覺利益第四
今時無住菩薩聞佛所說一味真實
不可思議從速近來親如來座專念
諦聽入清白處身心不動
今時佛告无住菩薩言汝從何來今
至何所无住菩薩言尊者我從无本
來今至无本所佛言汝本不從來今
本不至所汝得本利不可思議是大
菩薩摩訶薩即放大光遍照千界而
說偈言
大哉菩薩 智慧滿足 常以本利
利益眾生 於四威儀 常住本利
導諸群庶 不來不去
今時無住菩薩而白佛言尊者以何
利轉而轉眾生一切情識入庵摩羅
佛言諸佛如來常以一覺而轉諸識
入庵摩羅何以故一切眾生本覺常
以一覺覺諸眾生今彼眾生皆得本
覺覺諸情識空寂无生何以故決定
本性本元有動无住菩薩言可一切

識皆緣境起如何不動佛言一切境
 本空一切識本空空无緣性如何緣
 起無住菩薩言一切境空如何有見
 佛言見即為妄何以故一切万有無
 生无相本不自名悉皆空寂一切法
 相亦復如是一切眾生身亦如是身
 尚不有云何有見无住菩薩言一切
 境空一切身空一切識空覺亦應空
 佛言可一覺者不毀不壞決定性故
 非空非不空无空不空無住菩薩言
 諸境亦然非空相非無空相佛言如
 是彼可境者性本決定決定性根无
 有處所無住菩薩言覺亦如是无有
 處所佛言如是覺无處故清淨清淨
 無覺物无處故清淨清淨無色无住
 菩薩言心眼識亦復如是不可思議
 佛言心眼識亦復如是不可思議何
 以故色無處所清淨無名不入於內
 眼無處所清淨无見不出於外心无
 處所清淨无止無有起處識無處
 所清淨無動无有緣別性皆空寂性
 无有覺覺則為覺善男子覺知无
 覺諸識則入何以故金剛智地解脫

道斷斷已入無住地無有出入心處
 无在決定性地其地清淨如淨琉璃
 性常平等如彼大地覺妙觀察如慧
 日光利成得本如大法雨入是智者
 是入佛智地入智地者諸識不生无
 住菩薩言如來所說一覺聖力四如
 智地即一切眾生本根覺利何以故
 一切眾生即此身中本來備足佛言
 如是何以故一切眾生本來無漏諸
 善利本今有欲刺為未降伏無住菩
 薩言若有眾生未得本利猶有採集
 云何降伏難伏佛言若集若獨行分
 別及以滌迴神住空寂降伏難調伏
 解脫魔所縛超然露地坐識陰般涅
 槃無住菩薩言心得涅槃獨一無伴
 常任涅槃應當解脫佛言常任涅槃
 是涅槃縛何以故涅槃本覺利利本
 覺涅槃涅槃覺分即本覺分覺性不
 異涅槃无異覺本無生涅槃無生覺
 本無滅涅槃無滅涅槃本故無得涅
 槃涅槃无得云何有住善男子覺者
 不住涅槃何以故覺本無生離眾生
 垢覺本無礙離涅槃動任如是他心

無所住无有出入入庵摩羅識无住
 菩薩言庵摩羅識是有入處處有所
 得是得法也佛言不也何以故辭如
 迷子手執金錢而不知有遊行十方
 經五十年貧窮困苦專事求索而以
 養身而不充足其父見子有如是事
 而謂子言汝執金錢何不取用隨意
 所須皆得充足其子醒已而得金錢
 心大歡喜而謂得錢其父謂言迷子
 汝勿欣懌所得金錢是汝本物汝非
 有得云何可喜善男子庵摩羅者亦
 復如是本無出相今即非入昔迷故
 非無今覺故非入無住菩薩言彼父
 知其子迷云何經五十年十方遊歷
 貧窮困苦方始告言佛言經五十年
 者一念心動十方遊歷遠行遍計無
 住菩薩言云何一念心動佛言一念
 心動五陰俱生五陰生中具五十惡
 无住菩薩言遠行遍計遊歷十方一
 念心生具五十惡云何令彼眾生無
 生一念佛言令彼眾生安坐心神住
 金剛地靜念無起心常安泰即無一
 念無住菩薩言不可思議覺念不生

金剛三昧經 第七卷 景

其心安泰即本覺利利無有動常在
不無无有不無不无不覺覺知無覺
本利本覺覺者清淨无染無著不變
不易決定性故不可思議佛言如是
無住菩薩聞是語已得未曾有而說
偈言

尊者大覺尊說生無念法無念无生心
心常生不滅一覺本覺利利諸不覺者
如彼得金錢所得即非得
尔時大衆聞說是語皆得本覺利般
若波羅蜜

金剛三昧經入實際品第五

於是如來作如是言諸菩薩等本利
深入可度衆生若後非時應如說法
時說利不但順不順說非同非異相
應如說引諸情智流入薩婆若海无
今可衆扼彼虛風恙今彼庶一味神
乳世間非世間住非住處五空出入無
有取捨何以故諸法空相性非有无
非無不无不無不有元決定性不住
有無非彼有无凡聖之智而能測隱
諸菩薩等若知是利即得菩提尔時
衆中有一菩薩名曰大力即從座起

金剛三昧經 第十五張 景

金剛三昧經 第十五張 景

前白佛言尊者如佛所說五空出入
無有取捨去何五空而不取捨佛言
菩薩五空者三有是空六道影是空
法相是空名相是空心識義是空菩
薩如是等空空不住空空無空相无
相之法有何取捨入无取地則入三
空大力菩薩言云何三空佛言三空
者空相亦空空亦空所空亦空恕
是等空不住三相不無真實文言道
斷不可思議大力菩薩言不无真實
是相應有佛言元不住无有不住有
不无不有不有之法不即住無不无
之相不即住有非以有元而詮得理
菩薩無名義相不可思議何以故無
名之名不无於名无義之義不无於
義大力菩薩言如是名義真實如相
如來如相如不住如如無如相相无如
故非不如來衆生心相相亦如來衆
生之心應無別境佛言如是衆生之
心實無別境何以故心本淨故理无
穢故以染塵故名爲三界三界之心
名為別境是境虛妄從心化生心若
无妄即無別境大力菩薩言心若在

金剛三昧經 第十七張 景

淨諸境不生此心淨時應无三界佛
言如是菩薩心不生境不生心何
以故所見諸境惟所見心心不勾化
則無所見菩薩內無衆生三性空寂
則无已衆亦无他衆乃至二入亦不
生心得如是利則无三界大力菩薩
言去何二入不生於心心本不生云
何有入佛言二入者一謂理入二謂
行入理入者深信衆生不異真性不
一不共但以客塵之所翳障不去不
來凝住覺觀諦觀佛性不有不无無
已无他凡聖不二金剛心地堅住不
移靜靜元為無有分別是名理入行
入者心不傾倚影无流易於所有處
靜念無求風鼓不動猶如大地拍離
心我救度衆生无生無相不取不捨
菩薩心無出入无出入心入不入故
故名爲入菩薩如是入法法相不空
不空之法法不虛棄何以故不無之
法具足功德非心非影法亦清淨大
力菩薩言云何非心非影法亦清淨
佛言空如之法非心識法非心使开
有法非空相法非色相法非心有為

金剛三昧經 第六卷 菩薩摩訶薩

不相應法非心元為是相應法非所現影非所顯示非自性非差別非名非相非義何以故義元如故無如之法亦元無如元有無如非元如有何以故根理之法非理非根離諸諍論不見其相菩薩如是淨法非生之所生生非滅之所滅滅大力菩薩言不可思議如是法相不合成不獨成不罽不絆不聚不散不生不滅亦元來相及以去住不可思議佛言如是不可思議不思議心心亦如是何以故如不異心心本如故眾生佛性不一不異眾生之性本无生滅生滅之性性本涅槃性相本如如元動故一切法相從緣元起起相性如如元所動因緣性相相本空元緣緣空空元有緣起一切緣法惑心妄見現本不生緣本元故心如法理自體空元如彼空元本無住處凡夫之心妄分別見如如之相本不有元有無之相見唯心識菩薩如是心法不元自體自體不有不有元菩薩無不元相非言說地何以故真如之法虛曠元相非

金剛三昧經 第六卷 菩薩摩訶薩

二乘所及虛空境界內外不測六行之士乃能知之大力菩薩言云何六行願為說之佛言一者十信行二者十住行三者十行行四者十迴向行五者十地行六者等覺行如是行者乃能知之大力菩薩言實際覺利元有出入何等法心得入實際佛言實際之法法元有際元際之心則入實際大力菩薩言无際心智其智无崖无崖之心心得自在自在之智得入實際如彼凡夫軟心眾生其心多喘以何法御令得堅心得入實際佛言菩薩彼心喘者以內外使隨使流注滴瀝成海大風鼓浪大龍驚駭驚駭之心故令多喘菩薩令彼眾生存三守一入如來禪以禪定故心則元喘大力菩薩言何謂存三守一入如來禪佛言存三者存三解脫守一者守一心如入如來禪者理觀心淨如是一心地即入實際大力菩薩言三解脫法是何等事理觀三昧從何法入佛言三解脫者虛空解脫金剛解脫般若解脫理觀者心如理淨無可不甘心

金剛三昧經 第六卷 菩薩摩訶薩

大力菩薩言云何存用云何觀之佛言心事不二是名存用內行外行出入不二不住一相心無得失一不一地淨心流入是名觀之菩薩如是之人不在二相雖不出家不住在家雖无法服而不具持波羅提木又戒不入布薩能以自心元為自恣而獲聖果不住二乘入菩薩道後當滿地成佛菩提大力菩薩言不可思議如是之人非出家非不出家何以故入涅槃宅者如來衣坐菩提座如是之人乃至沙門宜應敬養佛言如是何以故入涅槃宅心越三界者如來衣入法空處坐菩提座登正覺地如是之人心起二我何況沙門而不敬養大力菩薩言如彼一地及與空海二乘之人為不見也佛言如是彼二乘人味者三昧得三昧身於彼空海一地如得酒病昏醉不醒乃至數劫猶不得覺酒消始悟方修是行後得佛身如彼人者從捨闍提即入六行於行地所一念淨心決定明白金剛智力向鞞跋致度脫眾生慈悲无盡大力菩

薩言如是之人應不持戒於彼沙門
應不敬仰佛言為說戒者不善慢故
海波浪故如彼心地八識海澄九識
流淨風不能動波浪不起戒性等空
持者迷倒如彼之人七六不生諸集
滅定不離三佛而發菩提三無相中
順心玄入深敬三寶不失威儀於彼
沙門不无恭敬菩薩彼仁者不住世
間動不動法入三空聚滅三有心天
力菩薩言彼仁者於果足滿德佛如
來藏佛形像佛如是佛所而發菩提
入三聚戒不住其相滅三界心不居
寂地不捨可衆入不調地不可思議
余時舍利弗從座而起前說偈言
具足波若海不住涅槃城如彼妙蓮華
高原非所出諸佛无量劫不捨諸煩惱
度世然後得如涅槃所出如彼六行地
菩薩之所修如彼三空聚菩提之真道
我今住不住如佛之所說來所還復來
具足然後出復令諸衆生如我一無二
前來後來者悉令登正覺
余時佛告舍利弗言不可思議汝當
於後成菩提道无量衆生起生死苦

海余時大衆皆悟菩提諸小衆等入
五空海
金剛三昧經真性空品第六
余時舍利弗而白佛言尊者修菩薩
道無有名相三戒無儀云何攝受為
衆生說願佛慈悲為我宣說佛言善
男子汝今諦聽為汝宣說善男子善
不善法從心化生一切境界意言分
別制之一處衆緣斷滅何以故善男
子一本不起三用无施住於如理六
道門杜四緣如順三戒具足舍利弗
言云何四緣如順三戒具足佛言四
緣者一謂作擇滅力取緣攝律儀戒
二謂本利淨根力所集起緣攝善法
戒三謂本慧大悲力緣攝衆生戒四
謂一覺通智力緣順於如住是謂四
緣善男子如是四大緣力不住事相
不無功用離於一處則不可求善男
子如是一事通攝六行是佛菩提薩
婆若海舍利弗言不住事相不無功
用是法真空常樂我淨起於二我大
般涅槃其心不繫是大力觀是觀覺
中應具三十七道品法佛言如是具

三十七道品法何以故四念處四正
勤四如意足五根五力七覺分八正
道等多名一義不一不異以名數故
但名但字法不可得不得之法一義
无文无文相義真實空性空性之義
如實如如如之理具一切法善男
子住如理者過三善海舍利弗言一
切方法皆悉言文言文之相即非為
義如實之義不可言議今者如來云
何說法佛言我說法者以汝衆生在
生說故說不可說是故說之我所說
者義語非文衆生說者文語非義非
義語者皆悉空空无無之言无言於
空不空空實不實離於二相中間不
中不中之法離於三相不見處所如
如如說如無无有無有於无如無有
無有无於有有無不在說不在說故
不在於如如不有如不无如說舍利
弗言一切衆生從一聞提闡提之心
住何等位得至如來如來實相佛言
從聞提心乃至如來如來實相住五
等位一者信位信此身中真如種子

金剛三昧經 第十四卷 景字号

為妄所翳捨離妄心淨心清白知諸境界意言分別二者思位思者觀諸境界唯是意言意言分別隨意顯現所見境界非我本識知此本識非法非義非所取非能取三者修位修者常起能起起修同時先以智導非諸障難出離蓋纏四者行位行者離諸行地心无取捨極淨根利不動心如決定實性大般涅槃唯性空大五者捨位捨者不任性空正智流易大悲如相相不住如三藐三菩提虛心不證心無邊際不見處所是至如來善男子五位一覺從本利入若化眾生從其本處舍利弗言云何從其本處佛言本來無本處於無處空際入實發善提心而滿成聖道何以故善男子如手執彼空不得非不得舍利弗言如尊所說在事之先取以本利是念寂滅寂滅是如捨持諸德該羅万法圓融不二不可思議當知是法即是摩訶般若波羅蜜是大神呪是大明呪是無上呪是無等等呪佛言如是如是真如空性性空智火燒滅諸

金剛三昧經 第十五卷 景字号

結平等平等覺三地妙覺三身於九識中皎然明淨无有諸影善男子是法非因非緣智自用故非動非靜用性空故義非有無空相空故善男子若化眾生令彼眾生觀入是義入是義者是見如來舍利弗言如來義觀不住諸流應離四禪而超有頂佛言如是何以故一切法名數四禪亦如是若見如來者如來心自在常在滅盡處不出亦不入内外平等故善男子如彼諸禪觀皆為想空定是如非復彼何以故以如觀如實不見觀如相諸相相已寂滅寂滅即如義如彼想禪定是動非是禪何以故禪性離諸動非染非所染非法非影離諸分別本利義故善男子如是觀定乃名為禪舍利弗言不可思議如來常以如實而化眾生如是實義多文廣義利根眾生乃可修之此根眾生難以措意云何方便令彼此根得入是諦佛言令彼此根受持一四偈即入寶諦一切佛法攝在一四偈中舍利弗言云何一四偈願為說之於

金剛三昧經 第十六卷 景字号

是尊者而說偈言
因緣所生義 是義滅非生滅諸生滅義
是義生非滅
今時大眾聞說是偈僉大歡喜皆得滅生滅生般若性空智海
金剛三昧經如來藏品第七
今時梵行長者從本際起而白佛言尊者生義不滅滅義不生如是如義即佛菩提菩提之性則無分別無分別智分別无窮無窮之相惟分別滅如是義相不可思議不思議中乃無分別尊者一切法數无量無邊无边法相一實義性惟住一性其事云何佛言長者不可思議我說諸法為迷者故方便導故一切法相一實義智何以故譬如一市開四大門是四門中皆歸一市如彼眾庶隨意所入種種法味亦復如是梵行長者言法若如是我住一味應攝一切諸味佛言如是如是何以故一味實義如一大海一切眾流无有不入長者一切法味猶彼眾流名數雖殊其水不異若住大海則括眾流住於一味則攝諸

味梵行長者言諸法一味云何三乘道其智有異佛言長者譬如江河淮海大小異故深淺殊故名文別故水在江中名為江水水在淮中名為淮水水在河中名為河水俱在海中惟名海水法亦如是俱在真如惟名佛道長者住一佛道即達三行梵行長者言云何三行佛言一隨事取行二隨識取行三隨如取行長者如是三行捨攝衆門一切法門无不此入入是行者不生空相如是入者可謂入如來藏入如來藏者入不入故梵行長者言不可思議入如來藏如苗成實無有入處本根利力利成得本得本實際其智幾何佛言其智元窮略而言之其智有四何者為四一者定智所謂隨如二者不定智所謂方便破病三者涅槃智所謂除電與陰四者究竟智所謂入實具足佛道長者如是四大事用過去諸佛所說是大橋梁是大津濟若化衆生應用是智長者用是大用復有三大事一者於三三昧內外不相奪二者於大義科隨

道擇滅三者於如慧定以悲俱利如是三事成就菩提不行是事則不能流入彼四智海為諸天魔所得其便長者汝等大衆乃至成佛常當修習勿令暫失梵行長者言云何三三昧佛言三三昧者所謂空三昧无相三昧無作三昧如是三昧梵行長者言云何於大義科佛言大謂四大義謂陰界入等科謂本識是識於大義科梵行長者言不可思議如是智事自利利人過三界地不住涅槃入菩薩道如是法相是生滅法以分別故若離分別法應不滅今時如來欲宣此義而說偈言
法從分別生 還從分別滅 滅諸分別法 是法非生滅
今時梵行長者聞說是偈心大欣澤欲宣其義而說偈言
諸法本寂滅 寂滅亦無生 是諸生滅法 是法非無生 彼則不共此 為有斷常故 此則離於二 亦不在一言 若說法有一 是相如毛輪 如談水迷倒 為諸虛妄故 若見於法無 是法同於空 如盲無目倒

說法如龜毛 我今聞佛說 知法非二見 亦不依中住 故從無住取 如來所說法 悉從於无住 我從无住處 是處禮如來 敬禮如來相 等空不動智 不著無處所 敬禮無住身 我於一切處 常見諸如來 惟願諸如來 為我說常法
今時如來而作是言諸善男子汝等諦聽為汝衆等說於常法善男子常法非常法非說亦非字非諦非解脫非無非境界離諸妄斷際是法非无常離諸常斷見了見識為常是識常寂滅寂滅亦寂滅善男子知法寂滅者不寂滅心心常寂滅得寂滅者心常真觀知識名色惟是癡心癡心分別分別諸法更无異事出於名色知法如是不隨文語心心於義不分別我知我假名即得寂滅若得寂滅即得阿耨多羅三藐三菩提今時長者梵行聞說是語而說偈言
名相分別事 及法名為三 真如正妙智 及彼成於五 我今知是法 斷常之所繫 入於生滅道 是斷非是常 如來說空法 遠離於斷常 因緣無不生 不生故不滅

金剛三昧經 第三十張 卷第十

因緣執為有 如探空中華 猶取石女子 畢竟不可得 離諸因緣取 亦不從他滅 及於已義大 依如故得實 是故真如法 當自在如如 一切諸方法 非如識所化 離識法即空 故從空處說 滅諸生滅法 而住於涅槃 大悲之所棄 涅槃滅不住 轉所取能取 入於如來藏

今時大衆聞說是義皆得正命入於如來如來藏海
金剛三昧經 持品第八

今時地藏菩薩從衆中起至于佛前 合掌踟跪而白佛言尊者我觀大衆 心有疑事猶未得決今者如來欲為 除疑我今為衆隨疑所問願佛慈悲 垂哀聽許佛言菩薩摩訶薩汝能如 是救度衆生是大悲愍不可思議汝 當廣問為汝宣說地藏菩薩言一切 諸法云何不緣生今時如來欲宣此 義而說偈言
若法緣所生 離緣可無法 云何法性元 而緣可生法
今時地藏菩薩言法若无生云何說法 法從心生於是尊者而說偈言

金剛三昧經 第三十一張 卷第十

是心所生法 是法能所取 如醉眼空華 是法然非彼
今時地藏菩薩言法若如是法則無 待无待之法法應自成於是尊者而 說偈言
法本無有無 自他亦復尔 不始亦不終 成敗則不住

今時地藏菩薩言一切諸法相即本涅槃 涅槃及空相亦如是无是等法是 法應如佛言無如是法是法是如地 藏菩薩言不可思議如是如相非共 不共意取業取即皆空寂空寂心法 俱不可取亦應寂滅於是尊者而說 偈言
一切空寂法 是法寂不空 彼心不空時 是得心不有

今時地藏菩薩言是法非三諦色空 心亦滅是法本滅時是法應是滅於 是尊者而說偈言
法本無自性 由彼之所生 不於如是處 而有彼如是
今時地藏菩薩言一切諸法无生無 滅云何不一於是尊者而說偈言

金剛三昧經 第三十二張 卷第十

法住處無在 相數空故无 名說二與法 是則能所取

今時地藏菩薩言一切諸法相不住於 二岸亦不住中流 心識亦如是云何 諸境界從識之所生若識能生有生是 識亦從生云何无生識能生有所生 於是尊者而說偈言

所生能生二 是二能所緣 俱本各自無 取有空華幻 識生於未時 境不是時生 於境生未時 是時識亦滅 彼即本俱無 亦不有無有 無生識亦无 云何境從有 今時地藏菩薩言法相如是内外俱 空境智二衆本來寂滅如來所說實 相真空如是之法即非集也佛言如 是如實之法无色無住非所集非能 集非義非大本利法深功德聚地 藏菩薩言不可思議不思議聚七五 不生八六寂滅九相空无有空无有 無空无有如尊者所說法義皆空入 空无行不失諸業无我我所能所身 見内外結使悉皆寂靜故願亦息如 是理觀慧定真如尊者常說寔如空 法即良藥也佛言如是何以故法性

空故空性无生心常無生空性无滅
心常无滅空性無住心亦无住空性
无為心亦無為空无出入離諸得失
界陰入等皆悉亦無心如不著亦復
如是菩薩我說空法破諸有故地截
菩薩言尊者知有非實如陽焰水知
實非無如火性生如是觀者是人智
也佛言如是何以故是人真觀觀一
寂滅相與不相等以空取空以修空
故不失見佛以見佛故不順三流於
大乘中三解脱道一體無性以其無
性故空空故无相無相故无作無作
故无求無求故无願無願故以知是
業故須淨心以心淨故便得見佛以
見佛故當生淨土菩薩於是深法三
化勤修慧定圓成即起三界地截菩
薩言如來所說无生無滅即是无常
滅是生滅生滅滅已寂滅為常常故
不断是不断法離諸三界動不動法
於有為法如避火坑依何等法而自
呵責入彼一門佛言菩薩於三大事
呵責其心於三大諦而入其行地截
菩薩言云何三事而責其心云何三

諦而入一行佛言三大事者一謂因
二謂果三謂識如是三事從本空无
非我真我云何於是而生愛染觀是
三事為繫所縛飄流苦海以如是事
常自呵責三大諦者一謂菩提之道
是平等諦非不平等諦二謂大覺正
智得諦非邪智得諦三謂慧定無異
行入諦非雜行入諦以是三諦而修
佛道是人於是法無不得正覺得正
覺智流大極慈已他俱利成佛菩提
地截菩薩言尊者如是之法則無因
緣若無緣法因則不起云何不動法
入如來
余時如來欲宣此義而說偈言
一切諸法相性空无不動是法於是時
不於是時起法無有異時不於是時起
法无動不動性空寂滅性空寂滅時
是法是時現離相寂住寂住故不緣
是諸緣起法是法緣不生因緣生滅無
生滅性空寂緣性能所緣是緣本緣起
故法起非緣緣無起亦不因緣所生法
是法是因緣因緣生滅相彼則無生滅
彼如真實相本不於出沒諸法於是時

自生於出沒是故極淨本本不因眾力
即於後得處得彼於本得
余時地截菩薩聞佛所說心地快然
時諸眾等無有疑者知眾心已而說
偈言
我知眾心疑所以殷固問如來大慈善
分別無有餘是諸三眾等皆悉得明了
我今於了處普化諸眾來如來之大悲
不捨於本願故於一子地而住於煩惱
余時如來而告眾言是菩薩者不可
思議恒以大慈拔眾生苦若有眾生
持是經法持是菩薩名者即不墮於
惡趣一切障難皆悉除滅若有眾生
无餘雜念專念是經如法修習
余時菩薩常作化身而為說法擁護
是人終不暫捨令是人等速得阿耨
多羅三藐三菩提汝等菩薩若化眾
生皆令修習如是大乘決定了義
余時阿難從座而起前白佛言如來
所說大乘福聚決定斷結無生覺利
不可思議如是之法名為何經受持
是經得幾所福願佛慈悲為我宣說
佛言善男子是經名者不可思議過

金剛三昧經 第三十六卷 第五十七

去諸佛之所護念能入如來一切智海若有衆生持是經者則於一切經中無所怖求是經典法摠持衆法攝諸經要是諸經法法之繫宗是經名者名攝大乘經又名金剛三昧又名无量義宗若有人受持是經典者即名受持百千諸佛如是功德譬如虛空無有邊際不可思議我所屬累惟是經典阿難言云何心行云何人者受持是經佛言善男子受持是經者是人心無得失常修梵行若於戲論常樂靜心入於聚落心常在定若處居家不著三有是人現世有五種福一者衆所尊敬二者身不橫夭三者辯答邪論四者樂度衆生五者能入聖道如是人者受持是經阿難言如彼人者度諸衆生得受供養不佛言如是人者能為衆生作大福田常行大智權實俱演是四依僧於諸供養乃至頭目髓腦亦皆得受何況衣食而不得受善男子如是人者是汝知識是汝橋梁何況凡夫而不供養阿難言於彼人所受持是經供養是人

金剛三昧經 第三十七卷 第五十八

得幾所福佛言若復有人持以滿城金銀而以布施不如於是人所受持是經一四句偈供養是人不可思議善男子令諸衆生持是經者心常在定不失本心若失本心當即懺悔懺悔之法是為清涼阿難言懺悔先罪不入於過去也

佛言如是猶如暗室若遇明燈暗即滅矣善男子無說懺悔先所有諸罪而以為說入於過去阿難言云何名為懺悔佛言依此經教入真實觀一入觀時諸罪悉滅離諸惡趣當生淨土速成阿耨多羅三藐三菩提佛說是經已於時阿難及諸菩薩四部大衆皆大歡喜心得決定頂禮佛足歡喜奉行

金剛三昧經



金剛三昧經

校勘記

- 一 底本，金藏廣勝寺本。三八二頁下、三八三頁上原殘缺，以麗藏本換。
- 一 三七八頁中一行「序品第一」，**磧、普、南、徑、清**作「卷上」。
- 一 三七八頁中二行「北涼失譯人名」，**石**作「北涼失譯」；**磧、普、南、徑、清**作「出北涼錄失譯師名」。
- 一 三七八頁中三行「如是」前，**磧、普、南、徑、清**有「序品第一」。
- 一 三七八頁中一〇行第三字「行」，**磧、普、南、徑、清**無。
- 一 三七八頁中一三行「大眾」，**磧、普、南、徑、清**作「四衆」。
- 一 三七八頁中二一行第二字「重」，**石、磧、普、南、徑、清**無。
- 一 三七八頁中二一行「此義」，**石**作「義意」。
- 一 三七八頁下二行「佛諸」，**磧、普、**

一 南、徑、清作「諸佛」。
 一 三七八頁下九行第一〇字「味」，
 一 磧、普、南、徑、清作「味」。
 一 三七八頁下一一行「金剛三昧經」，
 一 徑、清無。以下品名類同。
 一 三七八頁下一二行「尊者」，
 一 磧、普、南、徑、清作「世尊」。
 一 三七八頁下二一行第三字「世」，
 一 磧、普、南、徑、清無。
 一 三七八頁下末行第六字「因」，
 一 石作「因緣」。
 一 三七八頁上三行「諦聽諦聽」，
 一 石、磧、普、南、徑、清作「諦聽」。
 一 三七九頁上二一行末字「滅」，
 一 磧、普、南、徑、清作「生」。
 一 三七九頁上二二行「滅生」，
 一 磧、普、南、徑、清作「滅滅」。
 一 三七九頁中一行「諸法」，
 一 石、磧、普、南、徑、清作「法相」。
 一 三七九頁中六行第七字「真」，
 一 磧、普、南、徑、清作「真源」。
 一 三七九頁中一一行第一三字「性」，

一 磧、普、南、徑、清作「寂」。
 一 三七九頁下六行「知一切」，
 一 石作「一切法」。
 一 三七九頁下二二行末字「相」，
 一 磧、普、南、徑、清作「想」。
 一 三七九頁下末行第二字「彼」，
 一 石作「如」。
 一 三八〇頁上一行第一〇字「身」，
 一 磧、普、南、徑、清作「心」。
 一 三八〇頁上八行「若人」，
 一 磧、普、南、徑、清作「善入」。
 一 三八〇頁上一〇行首字「悉」，
 一 石、磧、普、南、徑、清、麗作「至」。
 一 三八〇頁下一五行第八字「不」，
 一 石無。
 一 三八〇頁下一七行第一二字「所」，
 一 磧、普、南、徑、清作「處所」。
 一 三八〇頁下末行「般若」，
 一 磧、普、南、徑、清無。
 一 三八一頁上一行第一一字「是」，
 一 磧、普、南、徑、清作「是是」。
 一 三八一頁上一九行第九字「可」，

一 磧、普、南、徑、清作「所」。
 一 三八一頁上末行第三字「識」，
 一 磧、普、南、徑、清無。
 一 三八一頁上末行末字「之」，
 一 磧、普、南、徑、清無。
 一 三八一頁中二行「菩薩」，
 一 石、磧、普、南、徑、清無。
 一 三八一頁中三行第七字「已」，
 一 磧、普、南、徑、清無。
 一 三八一頁中六行「三行三戒」，
 一 石作「等三受」；
 一 磧、普、南、徑、清作「三受等三」。
 一 三八一頁中一七行第一二字「住」，
 一 磧、普、南、徑、清作「行」。
 一 三八一頁下一一行「本不至」，
 一 石作「不至本」；
 一 磧、普、南、徑、清作「亦不至」。
 一 三八一頁下一二行第一二字「千」，
 一 磧、普、南、徑、清作「大千」。
 一 三八二頁上三行第一三字「有」，
 一 磧、普、南、徑、清作「言」。
 一 三八二頁上一五行第六字「故」，

- 一 三〇五頁下九行第九字「議」，**石**、**磧**、**普**、**南**、**徑**、**清**作「說」。
- 一 三〇五頁下一八行第六字「有」，**石**、**麗**作「如有」。
- 一 三〇五頁下一八行第一三字「說」，**磧**、**普**、**南**、**徑**、**清**無。
- 一 三〇六頁中四行「義非有無」，**磧**、**普**、**南**、**徑**、**清**作「非有非無」。
- 一 三〇六頁中一三行「諸相相」，**石**、**磧**、**普**、**南**、**徑**、**清**作「諸相」。
- 一 三〇六頁中一六行「利義」，**磧**、**普**、**南**、**徑**、**清**作「義義」。
- 一 三〇六頁中二二行第一一字「四」，**石**無。
- 一 三〇六頁下一一行第九字「不」，**石**作「不可」。
- 一 三〇六頁下二〇行「如一」，**石**作「味如」。
- 一 三〇七頁上一八行「破病」，**磧**、**普**、**南**、**徑**、**清**作「摧破」。第一二字「與」，**石**作「覺」。

- 一 三〇七頁上一八行「除電與際」，**磧**、**普**、**南**、**徑**、**清**作「慧除電覺」。
- 一 三〇七頁上一九行第一〇字「佛」，**磧**、**普**、**南**、**徑**、**清**無。
- 一 三〇七頁中一行第九字「定」，**磧**、**普**、**南**、**徑**、**清**作「如定」。
- 一 三〇七頁中三行第九字「天」，**磧**、**普**、**南**、**徑**、**清**、**麗**作「大」。
- 一 三〇七頁中九行第一〇字「識」，**石**作「謂」；**磧**、**普**、**南**、**徑**、**清**作「爲」。
- 一 三〇七頁中二一行第八字「在」，**石**作「住」。
- 一 三〇七頁中二一行第一〇字「言」，**磧**、**普**、**南**、**徑**、**清**、**麗**作「住」。
- 一 三〇七頁中末行第一四字「目」，**石**作「日」。
- 一 三〇七頁下一四行第五字「識」，**石**、**磧**、**普**、**南**、**徑**、**清**、**麗**作「諸」。
- 一 三〇七頁下一六行第七字「語」，**磧**、**普**、**南**、**徑**、**清**作「說」。
- 一 三〇八頁上一行第一二字「取」，

- 一 三〇八頁下一八行「如」，**磧**、**普**、**南**、**徑**、**清**作「如」。
- 一 三〇八頁下一六行第五字「大」，**南**、**徑**、**清**作「文」。
- 一 三〇八頁下一六行第八字「利」，**磧**、**普**、**南**、**徑**、**清**作「科」。
- 一 三〇八頁下一九行第七字「者」，**石**無。
- 一 三〇八頁下二一行第一〇字「故」，**磧**、**普**、**南**、**徑**、**清**作「故諸」。
- 一 三〇九頁上四行「界陰」，**磧**、**普**、**南**、**徑**、**清**作「陰界」。
- 一 三〇九頁上五行「空法」，**石**、**磧**、**普**、**南**、**徑**、**清**作「諸空」。
- 一 三〇九頁上九行第一一字「空」，**石**、**磧**、**普**、**南**、**徑**、**清**無。
- 一 三〇九頁上一三行「無願故以知」，**磧**、**普**、**南**、**徑**、**清**作「以」。
- 一 三〇九頁上一三行「知是」，**石**作「是知」。
- 一 三〇九頁上一四行第三字「須」，**磧**、**普**、**南**、**徑**、**清**無。
- 一 三〇九頁上一四行「便得」，**磧**、

一 三八九頁中五行第六字「大」，**磧**、**普**、**南**、**徑**、**清**無。

一 三八九頁中五行第六字「大」，**磧**、**普**、**南**、**徑**、**清**無。

一 三八九頁中八行第五字「雜」，**磧**、**普**、**南**、**徑**、**清**作「離」。

一 三八九頁中一三行首字「入」，**磧**、**普**、**南**、**徑**、**清**作「得入」。

一 三八九頁下二行第七字「彼」，**磧**、**普**、**南**、**徑**、**清**作「得」。

一 三八九頁下八行第一二字「來」，**磧**、**普**、**南**、**徑**、**清**作「佛」。

一 三八九頁下一二行第一〇字「者」，**磧**、**普**、**南**、**徑**、**清**無。

一 三八九頁下一三行末字「生」，**磧**、**普**、**南**、**徑**、**清**作「生持比經者」。

一 三九〇頁上一七行第一一字「養」，**石**無。

一 三九〇頁中三行「供養是人」，**磧**、**普**、**南**、**徑**、**清**無。

一 三九〇頁中三行「不可思議」，**石**無。

一 三九〇頁中五行「當即」，**磧**、**普**、**南**、**徑**、**清**無。

南、**徑**、**清**作「即當」。

一 三九〇頁中一四行第一三字「大」，**磧**、**普**、**南**、**徑**、**清**作「之」。

一 三九〇頁中末行末字「經」，**石**、**磧**、**普**、**南**、**徑**、**清**作「經卷下」。